

四庫全書

集部

欽定四庫全書

集部

懷麓堂集卷一

王四

詳校官監察御史

臣范衷

中書

臣

劉源溥覆勘

總校官編修

臣

王燕緒

校對官待詔

臣

胡士震

謄錄監生

臣

朱上林

欽定四庫全書

集部六

懷麓堂集

別集類五

明

提要

臣等謹案懷麓堂集一百卷明李東陽撰東陽有東祀錄已著錄東陽依阿劉瑾人品事業均無足深論其文章則究為明代一大宗自李夢陽何景明崛起弘正之間倡復古學於是文必秦漢詩必盛唐其才學足以籠罩

一世天下亦響然從之茶陵之光焰幾燼速
北地信陽之派轉相摹擬流弊漸深論者乃
稍稍復李東陽之傳以相撐拄蓋明洪永以
後文以平正典雅為宗其究漸流於庸膚庸
膚之極不得不變而求新正嘉以後文以沉
博偉麗為宗其究漸流於虛僞虛僞之極不
得不變而務實二百餘年兩派互相勝負蓋
皆理勢之必然平心而論何李如齊桓晉文

功烈震天下而霸氣終存東陽如衰周弱魯
力不足禦強橫而典章文物尚有先王之遺
風殫後來雄偉奇杰之才終不能擠而廢之
亦有由矣其集舊板已燬此本為

國朝康熙壬戌茶陵州學正廖方達所校刻凡
詩稿二十卷文稿三十卷詩後稿十卷文後
稿三十卷又雜稿十卷曰南行稿曰北上錄
曰經筵講讀曰東祀錄曰集句錄曰哭子錄

曰求退錄凡七種其詩後稿本十卷張鴻烈
跋作二十卷筆誤也前有正德丙子楊一清
序及東陽自序然自序為擬古樂府作不為
全集作後人移弁全集耳乾隆四十六年十
月恭校上

總纂官

臣紀昀

陸錫熊

孫士毅

總校官

臣

陸

費

墀

懷麓堂集原序

古之人所以名世而不朽者有三立德立功立言是已
今天下政化出於一六經四書之旨如日麗天固無俟
於所謂立言者其見於著作若紀述鋪叙之為文詠歌
吟諷之為詩可以考見得失垂世鑒戒而興起其善端
大則用之朝廷施諸天下以鳴一代之盛謂非古者立
言之遺意哉今少師致仕西涯李先生以扶輿間氣挺
生於重熙累洽之朝弱冠入翰林已負文學重名金梓

所刻卷帙所錄幾徧海內大夫士得其片言以為至寶
後進之士凡及門經指授輒有時名中年益深造遠詣
比掌帝制登政府則又衍而為經綸黼黻之文稽古代
言以定國是變士習裨政益化有非文章家之可名言
者矣且文至今日而盛而弊亦隨之故聯篇累帙盈天
壤間皆是物也其能追古名家超然自立於世者蓋亦
不數數見已自餘作者各挾所長非無足取彙而閱之
樂恣肆者失之駁而不醇好摹擬者傷於局而不暢近

或習為瘦辭硬語使人不復可句以是為古所謂以艱
深文淺近者文之弊一至是可慨也先生高才絕識獨
步一世而充之以問學故其詩文深厚渾雄不為倨奇
可駭之辭而法度森嚴思味雋永盡脫凡近而古意獨
存每吮毫伸紙天趣溢發操縱開合隨意所如而不踰
典則彼旬鍛月鍊以求工者力追之而不可及也譬之
大人君子冠冕佩玉雍容委蛇於廟堂之上指麾百執
事各任其職未嘗有叱咤怒罵之威而望之者起敬即

之者傾心至其衆體具備無所不宜探之而益深索之而益遠則如大河之源出於崑崙至於積石又至於龍門底柱既乃吞納百川以達於海涵浴日月頃刻萬變而不知其所窮嗚呼至矣孔子曰有德者必有言先生孝友天至其素行金完玉粹名滿天下而自視歆然位極人臣而樂善如不及履常應變恒介介不易守益其文章與功業並懋斷有以立於世者而謂其不本之德不可也先生嘗自輯其詩文凡九十卷總名之曰懷麓

堂稿詩稿二十卷文稿三十卷在翰林時作詩後稿十卷文後稿三十卷在內閣時作外有南行稿北上錄以及經筵講讀東祀集句哭子求退諸錄則附於全稿之末以皆雜記故不入卷中徽州守熊君桂先生禮闈所取士間從所知得副本乃謀諸同知王君仲仁輩刻之郡齋走書京師索余序予辱先生知與四十年多所規益每有撰述輒為指摘疵垢不少隱顧庸惰不立少而學焉老而未能測其谿徑况望窺其室堂哉然平生企

向之懷得托姓名於不朽以為幸而熊君汲汲公善之心亦不可以不白故僭為之言先生所著別有燕對錄藏於家及密勿章疏文字甚多人不及見予承乏內閣始得窺見之若致仕以後詩文則別為續稿他日當自有傳之者正德丙子秋七月朔光祿大夫柱國少傅兼太子太傅吏部尚書武英殿大學士知制誥兼經筵官石淙楊一清撰

欽定四庫全書

懷麓堂集卷一

明 李東陽 撰

詩稿一

古樂府

申生怨

十日進一胙君食不得嘗讒言豈無端兒罪誠有名兒
心有如地地墳中自傷兒心不如犬犬得死君傍

潘云
使晉

父聞之未必不憮然自失天地豈不廣日月豈不光悲哉復何言一

死以自明

謝云說得此生心透潘云聲氣俱盡更著不得一語

綿山怨

五蛇上天一蛇蟄綿山經月火不滅君王恩重翻為仇
不如放作山中囚君王有臣一非少貪天之徒但自保
臣心見母不見君誰言母死非君恩
謝云其委曲至此今辰何
辰夕何夕留與千年作寒食

屠兵來

兒勿啼屠兵來趙宗一綫何危哉千金賣兒兒不死真
兒却在深山裏妾今有夫夫有子死兵易立孤難九原
下報無慚顏趙家此客還此友穿何故亡盾何走潘云客不
負趙趙乃負晉此意亦甚警切誰言趙客非晉臣當時嬰杵為何人

築城怨

築城苦築城苦城上丁夫死城下長號一聲天為怒長
城忽崩復為土長城崩婦休哭丁夫往日勞寸築

避火行

夫人避火避火不可婦人不下堂下堂羞殺我夫人避
火避火不可我身有傳還有姆傅姆不來心獨苦君不
見宋姬一卒春秋悲文姜辱死南山詩

掛劍曲

長劍許烈士寸心報知己死者豈必知我心元不死
意不近名平生讓國心耿耿方在此

漸臺水

漸臺水深幾許使者來誰遣汝
潘云只一誰字意便是不見君王

符空傳君王語漸臺水行宮不可度妾死猶首立

謝云顛沛

是必於

君行在何處

潘云死不忘君更見忠厚非徒死者

平生委質身為君

此時重信輕妾身

潘云又是一意

君不還妾當死臺高高水瀾

瀾

謝云結尤灑落潘云斬絕之後轉覺含蓄作手作手

卜相篇

家貧思賢妻國亂思良臣薦成成不知告璜璜不嗔克
也與國論此國尚有人能令汝卜相誰使汝為君東周
一失馭全晉遂三分但知晉國亂不念周家貧史官謹

初命千載傷彛倫

清云卜相事史家以為美談提出誰使汝為片一句大義方明白晉亂周

貧此意更警戒

國士行

漆為癘炭為啞彼國士何為者趙家飲器智家頭一日
事作千年仇報君仇為君死斬仇之衣仇魄褫臣身則

亡心已矣

謝云義者不以存亡易心故如此非身有之不能道

昌國君

齊城下即墨守燕將代昌國走卑辭累使招不歸臣心

上有先王知潘云只一先王知心獨苦義君臣邦父母

句道盡

當時誓死却齊封更忍還兵向燕土終不似信要劉胥

報楚

謝云說得
樂毅心出

樹中餓

山深雪寒路坎坷兩死何如一生可桃才自信不如哀

君若有功何必我

潘云若
已有之

楚王好士得燕才燕家未築

黃金臺當時周室何為哉吁嗟乎樹中餓死安足惜

潘云

必如此方見
賢者之過何似西山採薇食

邯鄲賈

邯鄲奇貨千金抵陽翟賈兒雙眸睨掌珠飛墮華陽宮
宮中老蚌光如虹關門不開玉符剖秦人河山趙人手
邯鄲種玉玉不死移向宮中生玉子長安寶氣橫九州
賈兒身貴封為侯匹夫懷璧尚不可何怪貪兒死奇貨

潘云通篇比興中叙
事曲盡以此絕少

易水行

田光刎頭如拔毛於期血射秦雲高

潘云起得突兀道旁灑淚

沾白袍易水日落風悲號督亢圖窮見寶刀秦皇繞殿
哮且逃力脫虎口爭秋毫荆卿倚柱笑不哧身就斧鑕
甘腴膏報韓有客氣並豪十日大索徒為勞荆卿荆卿
嗟爾曹

謝云匹夫不及智士
信哉潘云只合如此

鴻門高

鴻門高高屹屹日光盪雲霧塞雙舞劍三示玦壯士入
目皆拆謀臣怒玉斗裂網彌天龍有翼龍一去難再得

謝云滎陽之網龍幾將困危乎殆哉潘云句短
意壯長者可學短者不可到雖舊格亦罕見此

新豐行

長安風土殊不惡太公但念東歸樂漢皇真有縮地功
能使新豐為故豐人民不異山川同公不思歸樂關中
漢家四海一太公俎上之對何匆匆當時幸不烹若翁

潘云句意渾古無一字不合作結更有力

淮陰歎

營門晝開齊犬吠蒯生相人先相背古來烏盡良弓藏
近時刎頸陳興張功成四海身無地歸楚楚疑歸漢忌

極知猶豫成禍胎時乎時乎不再來君王恩深辯士走
淮陰胸中血一斗婦人手執生殺機赤族不待君王歸
君王歸神為惻獨不念秋毫皆信力舍人一喉彭王殂
淮陰之辭真有無噫吁噉淮陰之辭真有無

謝云漢高
於此真少

恩哉千載之恨殆有甚於此者猶幸不出於婦人耳三
復此作為之扼腕潘云千載疑獄非老吏不能判此引
呂后喉告於越事
為證非拘成案者

臣不如

劉氏盟呂氏爭臣不如陵呂氏撫劉氏絕臣不如勃平

乎平乎智有餘胡為甘此兩不如

潘云撮掇數字出便分曉

茲言非

智還非愚平乎竟爾為身圖

謝云說得平透

殿上戲

殿上戲丞相嗔丞相勿嗔吾弄臣臣可弄不可狎節便

不來臣已殺君王有道臣職遂細柳營中親按轡

謝云意勝

詞潘云此故不可少

宜陽引

宜陽小兒身姓竇弟為傭姊為后山中岸崩壓不殺自

言相有封侯法朝上書夕召見生不記家猶記縣眼前
喜極翻作哀一朝富貴從天來左圖書右賓友兄弟賢
名世希有古來寵祿易驕奢今人尚憶貧時否

潘云據
事直述

亦可以
觀矣

潁水濁

魏其侯家客醉舞一語不回丞相怒相家貴人半膝席
斬首穴胷那復惜籍郎按項項不俯潁川諸豪同日捕
魏其皆裂東朝東首鼠不決轅駒窮潁川水濁灌滅宗

誰令併殺老禿翁相門白日嘯二鬼越明年春武安死

誰言死速不如遲幸未淮南語泄時

謝云其紆曲乃爾
潘云組織史傳以

成樂章可

誦可戒

數奇歎

匈奴七十戰戰戰不得當一當遂失道憤激摧肝腸君

恩念數奇將令抑不揚白頭恥下獄飲泣橫干將敢也

報父讐寧為刺客死路傍隴西世節氣此志亦可傷陵

乎爾誠才

潘云婉辭之
責甚於戰指

胡為辱死天一方

文成死

文成封五利封神仙只在東海東文成死五利死天下

神仙皆妄耳

潘云只此六句何必費辭

漢家武皇帝者英昔何惜矣

今何明君不見百年身萬年計前秦皇後唐帝

牧羝曲

嗟汝陵咄汝律羝可乳節不可屈咄汝律嗟汝陵寧為

我死不作汝曹生

潘云句奇律兀甚稱題目臨江節士辭恐不及

生入朝身已

老有淚猶沾茂陵草

潘云意極可愛

天遣生還入畫圖不然誰

識冰霜貌

潘云結亦新意然佳處却不在此可與知者道耳

問喘詞

少陽用事春猶淺道傍死人春不管丞相停車問牛喘

君不見陳平辯周勃免誰曾問春淺深牛近遠

謝云差強人意

潘云音節自會

馮婕妤

閨門晝開熊不守婕妤當前衆嬪走荷君光寵捍君危
不然安用賤妾為君身如山妾如葉君有不虞安置妾

潘云體貼得實意出

亦知倉卒非賈恩恩多妬深翻在睫馮婕妤

昔非勇今非怯掖庭佞兒何喋喋

潘云用事自活

明妃怨

莫倚朱顏好妍媸無定形莫惜黃金貴能為身重輕一

生不見君王面不是丹青誰引薦

謝云說得宛曲怨而不傷

空將艷

質惱君懷何似當時不相見君王幸顧苦不早不及春

風與秋草却羨蘇郎男子身猶能仗節長安道休翻胡

語入漢宮

謝云又生一意

祇恐伶人如畫工畫工形貌尚可改

何況依稀曲調中

潘云古今詠明妃甚多殆無復措手處此篇新意疊出恨不使前人見之

九折阪

九折阪七尺身回車為孝子叱馭為忠臣孝子身為親

忠臣身為君七尺身九折道

潘云有此一轉便覺精神

叱馭歸來人

未老回頭試問回車翁何曾得葬瑯琊草

尚方劍

中書勢重儒臣輕天下善類皆為朋漢家賢傅生負氣
死不再逢刀筆吏君王奮怒威莫當宮掖纔容免冠地

謝云繞字妙

漢家佞臣多戴頭借劍不報蕭公仇當時只問

安昌侯

潘云千載慨然

四知歎

故人知君君不知故人下有厚地兮上有蒼旻縱不吾知兮吾心有神金獨何為兮至吾門吾閉吾門兮省吾身

潘云此二句直從意外生意更進一步使關西聞此未必不愜然而起也

美新歎

昭陽禍水噴火滅賊莽勢熾哀平折宮中臘日椒酒芳

金滕策秘符命昌漢家老婦不姓呂

謝云用事極有斟酌

猶握漢

符為漢主遺民獨有龔勝存餓死不入新都門美新大

夫那肯死元是五侯門下史

潘云亦豈所謂自汙者乎謝云拈出此語更逃不得

兩虎鬪

中原野龍鬪未休兩虎私鬪真龍憂雌虎哮風雄虎避

龍顏一開天為霽

潘云句好

君不見邯鄲虎鬪龍不知關中

祖龍不敢欺當時豈復爭雄雌

嚴陵山

劉文叔加我足侯君房瞋我目平生若遣吾喪我有目

如盲足如跛安能城市復山林朝往暮還無不可

謝云說出

士得已焉之意甚快然

君不見嚴陵山水高復深誰哉更識先生

心

弄潮怨

莫弄潮潮水深殺人莫射潮中有孝女

魂潘云展轉痛恨

魂來

父與遊魂去父與沉潮能殺人身不能溺人心潮水有

盈縮人心無古今

斷絃曲

晨聽焦桐聲夜聞斷絃音阿女有父資家學在一琴生
書五經石死給十吏札阿女有父能八分乃遺法司徒

坐上嘆胡雛別時哭阿女有父情情鍾為誰篤

謝云比
事精甚

有書何必教有女翻為辱君看荀爽女一死萬事足

潘云

結更
精緊

縛虎行

布將騎公將步天下紛紛可橫驚卿為客我為虜卿為

一言無不可下邳城南繩縛虎曹公不怒劉公怒董卓

丁原在何處布乎布乎嗟汝布

謝云句
意天成

鸚鵡曲

大兒孔文舉小兒楊德祖餘子碌碌不足數身著岑牟
前擊鼓禰生狂呼老瞞沮我辱衡衡辱我我欲殺之猶
雀鼠一投荆再送楚黃鶴磯頭賦鸚鵡鸚鵡才多為舌

誤謝云偶托一
物意自可人

舉世何人不相妬生莫逢仇主簿

漢壽侯

漢壽侯義且武冠三軍振華夏斬仇將報知者身不可

留臣有主

潘云伸此以折彼耳
彼陸與呂何為者哉

老瞞不追猶有度誰其

仇者吳陸呂歲十二月侯出走吳人縛侯生縛虎生縛
虎死猶怒髯如蚪眼如炬吁嗟漢乎天不祚有馬不踐
中原土侯身雖亡神萬古

五丈原

五丈原頭動地鼓魏人畏蜀如畏虎營門不開呼者怒
揮戈指天天宇漏將星墮空化為土鍊石心勞竟何補

侯歸上天多舊伍關為前驅張後拒忠魂不逐降王車

長衛英孫朝烈祖

滿云表出北地王風節恨孔明不及為之佐耳千古之恨何時消得

東門嘯

上東門東羯雛嘯寧馨王郎識奇兆單車快馬追不還
寧知夜死排牆間當時預恐亂天下天下蒼生竟誰誤

一家三窟本身圖

滿云結正行罪

青州非羯還非胡何須更歎

東門雛

謝云蕭牆之禍往往如此

南風歎

夕陽亭前車不發南風吹塵暗城闕凌雲醉客噤不言
蛙聲亂起華林園城頭鹿車走碌碌洛陽少年美如玉
宮中夜半牝雞啼千門萬戶皆翻覆金墉城城近遠朝
來暮去誰能免九原若見楊家姑應問婦來何太晚

聞雞行

城頭雞鳴聲不惡祖生夜舞司州幕南來擊楫向中流
殺氣橫秋盡幽朔手提一劍馴兩龍

諸云豪俊可人

黃河以南

無戰鋒十州父老皆部曲誰遣其兒作都督中原未清

壯士死遺恨吳江半江水

晉之東

西晉盛南風競二十四友皆為佞北師來東海追四十
八王皆不歸前奉觴後執蓋忠臣灑淚翻就害萬里中
原士馬空銅駝尚在宮門外宋家二帝俱入金神州陸
沉古猶今黃旗紫蓋渡江水碧嵩清洛愁人心晉之東
非失據宋之南竟何處

潘云感慨古今

伯仁怨

呼伯仁百口累卿卿不聞伯仁出醉叱羣奴殺諸賊卿
負我我負公軍中應對聲如鐘三言不答二賢死義未
滅親先殺士潘云辭嚴義正君不見王彬哭友不拜兄幽冥未
必無知已

氏帶箭

秦鞭斷江江逆流八公草木皆為仇山頭鶴唳爭回首
城南老氏帶箭走雄兵百萬如倒山三十年來一翻手
君不見捫蝨翁遺言莫遣西師東婦人孺子徒為忠燕

山饑鷹思弄風

潘云句與事稱往復見之

歸來但哭陽平公

五斗粟

五斗粟不屈人五株柳不出門舉世不我容上作義皇

民義皇夢不見一枕三千春

潘云古意黯然似不欲更道一語

燕巢林

胡馬來飲淮浦春燕歸巢江樹

潘云託興慨然

石頭城立不住

狼居胥在何處耕問奴織問婢誰遣書生論兵事萬里

長城元自棄生不逢檀道濟

斃狗歎

石頭城中鎮將死父忠臣兒孝子袁家小兒匿不住乳
母怒門生喜殺郎君要賊利天地鬼神須鑒汝鬪場開
斃狗戲狗噬狂生如噬豕狗亦有知能報主齊朝司空

空姓褚

潘云非此異事
不能發此奇語

鮮卑兒

鮮卑胡漢兒是汝奴夫為汝耕婦為汝

謝云添此二
字便覺崢嶸織

纊使汝溫飽相歌呼胡為虐彼無寧居漢土著鮮卑汝

客作一足絹一斛粟為汝擊賊使汝樂胡為疾彼同劑

掠

潘云爾事協律每出天成乃知恒言常事無不可被絃歌者

高丞相三軍主能胡

言能漢語

潘云二句結括得更精神

胡為爪牙漢肝腑姦雄桀驚不

足數猶能虎視中原土君不見鮮卑小兒難共事河南
行臺徵不至

高涼洗

刺史召君勿行妾不知兵能知刺史情刺史反君勿戰

妾先請戰歸與君相見

潘云作婦人語便是

吁嗟乎高涼娶婦得

婦力不見刺史但見賊太原亦有娘子軍誰道軍中無

婦人

潘云意更好

涼風臺

涼風臺前池水赤赤星射空虹貫日斛律美人生抱玦

死向青天待明月

潘云古意精語

君不見晉陽書中臨絕語曾

為樂陵求樂處百年無罪君莫冤濟南何在是誰言不

須更問華林園

歸母怨

母告兒饑不得汝食寒不得女衣汝身榮盛吾何為兒
告母寒不見母寒暑不見母暑死若有知應得覩齊使
還周兵起天遣來來送死洛陽不死長安死殿前一殺
數十人母身在否無兒存丁寧莫遣齊師聞

潘云與鮮卑兒同詳

晉州急

晉州告急君莫歸勸君更為殺一圍晉州城陷君莫拔
閣裏濃粧待時發晉州城敗君莫退馬上著褱猶按轡
琵琶絃絕為何人啼聲嗚嗚春向晨當時同生願同死

各向長安作妖鬼

諸云亦是本色

和士開

五雜組二美女往復來和士開不得已出刺史五雜組
一簾珠往復來待中廬不得已降詔書五雜組婁領軍
往復來賂餘珍不得已出國門

潘云用古體入新事別是一格

吳老公

吳老公薄心腸夕河南旦貞陽詐書實報恩作殃一身
非魏還非梁彼窮歸義棄不祥公心不薄爾可忘梁家

養客如養狼狼入彼室壞彼堂當時許媾惟朱張漂陽
公主誰家郎樂遊絲竹令人傷

潘云老公地下聞此其愚亦少瘳乎

長江險

長江險天可恃齊三來周再至隋兵彊竟何事兵入城
吾有計樓高入天井入地生同歡娛死同避國有二嬪
無一士

潘云名
言名言

回首長江如屣棄君不見古來人和方

地利天為東吳還魏帝

潘云亦差
強人意耳

姦老革

姦老革天下寧有許多賊潼關以東大有人悔不盡殺
江都民民不欲多多即亂安得龍舟數千夫八萬君不
見江都城外入圖儂那能更到丹陽宮

潘云蒙蔽之禍
可為永監言不

必盡
意耳

懷麓堂集卷一

欽定四庫全書

懷麓堂集卷二

明 李東陽 撰

詩稿二

古樂府

太白行

太白經天照城闕甲光侵肌冷如鐵秦王袍沾息王血

潘云七字殆不忍讀較之薛王
沉醉壽王醒不得不少露矣

龍攀鳳附不自由何乃

金史卷二
卷二
棄君來事讐危言逆耳誰為謀古來天子不觀史飾詞
佞筆徒為耳胡不自脩為謗弭

譽樹行

莫愛庭前樹一愛百譽隨

潘云曲盡世態

向非諫臣言不知佞

者誰不知尚自可不去安用知

潘云句句緊切

甘言終幸憐逆

耳先防辱那將君王樹不及大尉足

謝云又進一步說

亡賴賊

亡賴賊逢人殺難當賊不平殺為佳賊臨陣殺為大將

見賊殺

潘云又別是一格

少年作賊不愛身逢時幸作干城臣

宮中一言後宮易終負先朝為國賊

謝云脫不得此一字

机上肉

李唐天下猶有主兒欲與韋母欲武

潘云拈出便是

武家廟食

唐為周唐宗骨肉皆仇讐周迂酷吏開告密白頭司空

反是實司空不死唐不亡天意豈在廬陵王中興功業

回天地盡是司空門下吏二凶雖除五王族痛恨當年

存机肉

潘云禍生于不足畏往往如此況明在所可畏者哉

韓休知

內家伎樂喧歌酒外庭宰相還知否語罷封章驚在手

潘云觸景指
事無不可寫

君王對鏡念蒼生一身甘為韓休瘦嗚呼

曲江以後無此賢梨園羯鼓聲震天

潘云說得
好說得好

何由再

見開元年

卿勿言

卿勿言朕自思南詔覆師君不知卿勿憂朕自保范陽
弄兵苦不早卿邪誰邪高與楊非姚非宋還非張有言

如此悉不用豈有藥石鍼膏君不見咸陽老人能直

諫何曾得賭君王面

潘云噬臍何及
謝云說盡事理

腹中劍

腹中劍中自操一日不試中怒號構仇結怨身焉逃一

夜十徙甘為勞生無遺憂死餘恨

潘云添一恨字
即精神十倍

恨不

作七十二冢藏山

均
潘云究極奸狀謝云得公
評後更覺精神百倍矣

青巖山

青巖山甄郎高風不可攀祿山使者奉刀還入東京見

黃蓋帝勅偽官階下拜鄭虔貶死王維生故人獨有蘇

原明君不見舞象悲啼樂工哭賊斫工屍分象肉

潘云一象

雖死亦流芳千古矣此語更激

馬嵬曲

唐家國破君不守獨載蛾眉棄城走金甌器重不自持
玉環墮地猶回首前星夜入紫微垣王風淨掃長安羶
上皇卷甲山川外父老含悲長慶前世間萬事多反覆
自古歡娛不為福君不見西宮露劍迎何如坡下屯兵

宿

謝云此用唐
體詠唐事

曳落河

曳落河雖多如我劉秩何幕南擊劍笑且歌回紇意已
輕唐家朔風捲火隨塵沙牛車載甲空倒戈義軍四萬
同日死野老痛哭陳濤斜陳濤斜為誰哭明日上書甘

放逐

潘云責
備賢者

睢陽歎

將軍有齒嚼欲碎將軍有背血成淚生為將星死為厲

盡是山川不平氣二人同心金不利天與一城為國蔽
強兵坐擁瞋相視孝子忠臣竟誰是千載公名亦天意
君不見河南節度三日至

謝云死中求活
亦不經人道語

河陽戰

裨將退元帥怒先取廷玉後僕固牙旗颺地高掣空將
軍號令如雷風逆賊夜散潼關東元功獨冠中興中營

蠅菲錦難為忠空令憤死田神功

謝云語
壯而激

令公來

令公死回紇至今公來葛羅拜後却三軍前一騎回紇
盟吐蕃退令公度量包天地君不見長安城章敬寺眼

中那有軍容使

潘云千載之憤安得此公
謝云證得軍騎事更好看

司農笏

司農手中無寸鐵奪笏擊賊賊腦裂

潘云七側句唯老
杜能之近來似此

者絕少

賊雖未死氣已折奉天天子雙淚橫十年棄卿真

負卿臣身區區勞記憶平原太守曾未識

潘云委曲規
諷正自動人

養兒行

朝廷養公公養兒兒為心腹股肱誰當時意氣各相許
兒不負公公負主養兒至死心不易寧不為兒不為賊

謝云能道石
即意中事

君不見入朝告變歸殺身此兒非養寧非

真養兒身死名不腐唯有真兒心獨苦

謝云并李郎
心事亦道出

問中使

問中使幾日發長安老臣當死死不難中使答言從大
梁至大梁賊耳胡稱使君不見吐蕃使者中道亡相臣
節度死鳳翔老姦有貌幸不揚

潘云幸
字妙

三年飽食居廟

堂澧州客死非人殃

侍中走

平涼壇西鼓聲吼伏兵大呼侍中走君王正喜邊兵休
武將盡賀書生憂邠寧飛書夜半至西平老臣先掩涕
君心多猜謀不足平涼不伏長安伏枉伐大安園上竹

永貞歎

王郎索飯黃扉裏鄭州相公呼不起六街鬼魅夜攫人
公門白日成官市紛紛逐客不足嗟河東司馬文章家

潘云文章

弊正在此

江湖浪客河間婦

潘云雖用文章家語

世事榮枯一翻

手詩翁莫賦永貞年後來何代無此賢

謝云說得是

鄭歇後

鄭歇後登台司國事去嗟何為唐之衰風不競天下紛
紛非一鄭君不見宋家養士得士力無數忠賢海中溺
潘云榮能自知不可盡貶謝云唐
之無人一至于此亦可以風矣

白馬河

白馬河河水深可投清邪濁邪同一流萬古不滌衣冠

羞人生到此紛鴻毛紛鴻毛竟何益唐之亡非此日

潘云

更不必著

議論語

王凝妻

妾生愛身如愛玉玉可玷身不可辱生不逢魯男子

潘云

用事好

彼氓何知妾為恥揮刀斷臂不自謀已看此臂為

妾仇

潘云意勝詞謝云詞亦甚稱

不恨妾身出無主但恨妾身為婦

女君不見中原將相誇男兒朝梁暮周皆逆旅

謝云說得長樂

翁出

十六州

契丹助晉兵一號三十萬晉家報契丹一數一足絹三十萬絹未足惜一十六州空棄擲遂令宋統成偏安中原以北無幽燕金元相承二百載山前山後盡兜鎧至今五鎮接三邊不備西陲備東海

潘云可為作備者戒

鎖繼恩

小事糊塗大事不糊塗繼恩一鎖成鴻圖太宗雄鑒絕代無武功刎頸秦王姐當時趙相非呂徒誰復糊塗如

此乎

潘云因
此識彼

宗乎善矣為孫謀

急流退

呂丞相眼欲穿錢樞密興已翩君有輕士心臣有制命

權命在我不在天明日拂衣遊華山

潘云有激之言不
覺至此謝云讀至

此亦可翩

然而起矣

城下盟

澶州城南見黃蓋澶州城北胡兵退南朝相公方鼾睡
讒言後出功臣猜城下一盟成禍胎孤注之說何危哉

城下盟君不辱猶勝金陵與西蜀

謝云說得是做得是

當時若恥

城下盟縱寇不追真大錯

謝云如此做便是

金陵問

王安石還聖人熙寧天子空稱神程夫子真聖徒一言
非許還非諛世更有人如此無古來君相關氣運河南

不問金陵問一時言千載恨

潘云可恨尚不止此謝云此恨故自不小

崑崙戰

崑崙關頭戰骨枯龍衣裹血紅模糊軍中喧言老儂死

不是彼儂安有此將軍貴實不尚功世上安有將軍忠
君不見漢皇一赦雲中守武將紛紛皆藉口

潘云信然信然

安石工

端禮門金石刻丞相手書姦黨籍長安役者安石工不
識人賢愚但識司馬公卑疎不敢預國事幸免刻名為
後累匹夫憤泣天為悲黃門夜半來毀碑碑可毀亦可

建蓋棺事久乃見不見姦黨碑但見姦臣傳

潘云暗中摸索亦可

識謝云此篇音節頓挫意氣激烈殆不可及結句間為方石再駁乃得此無遺憾矣

夾攻誤

兩敵自相圖古稱中國利遼亡金已昌金滅元愈熾如
何夾攻策竟蹈前車弊惜哉鵠蚌功誤為唇齒累一誤
國不支再誤國不祀咄哉宋君臣千載傷失計

潘云亦
是名言

奇才歎

奇才復奇才二聖一語孤臣哀孤臣哀淚如雨衆欲殺

臣臣有主不然安得夢中身上語

潘云悲喜萬狀於
一二語盡之蘇公

有知不能不

為一賞也

烏珠走

金山廟前鼓聲起江頭走却四太子緋袍玉帶墜復跳

華人頓足金人喜

潘云畫得出

君不見和尚原頭走敵胡天

為中原留是雛

謝云節寫出

他時再作江南圖韓公吳公還

有無

兩太師

和議是塞外蒙塵走天子和議非軍前
函首送太師議和生議戰死生國讐死國恥
兩太師竟誰是

潘云畢竟無一是者

金字牌

金字牌從天來將軍慟哭班師迴士氣鬱怒聲如雷聲

如雷震三陟幽薊已復無江淮仇讐和壯士死

謝云六字盡之

矣此外雖萬言亦不能盡

天下事安有此

謝云此六字亦不可少

國之亡嗟晚

矣

三字獄

朋黨謫天下惜惜不惜貶李迪三字獄天下服服不服

殺武穆

潘云挾出鬼膽

姦臣敗國不畏天區區物論真無權崖

州一死差快意遺恨施郎馬前刺

參謀事

新將代舊將去參謀來軍有主受命犒不受戰參謀行
真獨斷宋家養兵二百秋大功竟屬書生收翻令愧死

劉揚州

謝云揚州非真愧者借此表見參謀功烈耳

君不見陝西歸來笏畫

地遺恨他年六州棄

千金贈

相門深深夜半扃百年恩重千金輕二人辭受本同情

君王但賞辭金名

潘云如此難叙
事叙出便別

嗚呼一檜死一檜生

君王孤立臣為朋誰哉更問胡邦衡

謝云振
古如茲

濟陽怨

宮中快行過巷門巷中皇子心如焚相臣引入舊班裏

我胡為猶在此殿頭燭影坐者誰殿帥捽頭聽詔詞君

為臣臣就國

潘云此六
字亦盡

父子幽明不相白湖州義兵翻

作殃身死猶貽諫官謫濟陽冤冤不極

金大將

汝何官金大將汝何名陳和尚好男子明白死生金人

死金鬼

潘云頭
頭是道

脛可折吻可裂七尺身軀一腔血金人

憤泣元人誇爭願再生來我家吁嗟乎文山烈後疊山
已汝能不學乃如此

戚里婿

戚里婿城貴妃社內侍董丞相無私交難共事臺兵不
待章奏批丞相出城君不知丞相出天下惑君不知竟

何國

潘云結
亦痛快

木綿菴

多寶閣中歡不足木綿菴前新鬼哭裂膚拉脇安足論
天下蒼生已無肉君王不誅監押誅父讐國憤一時攄
監押死死不滅元城使者空嘔血

謝云往往於此
屬處見精神

冬青行

高家陵孝家陵鱗骨盡蛻龍無靈唐義士林義士野史
傳疑定誰是玉魚金粟俱塵沙何須更問冬青花徽欽
不歸梓宮復二百年來空朽木穆陵遺骼君莫悲得葬

江南一抔足

潘云恨中有恨

趙承旨

趙承旨誰家子王維詩畫鍾繇書

潘云用事切

不獨行藏兩

相似文山令子燕京臣臨川貢士官成均

潘云千古誰復雪得

名

家大儒亦如此雪樓之徒安足齒

謝云是是

劉平妻

誰謂虎力猛赤手亦可屠誰謂妾無身妾身雖在不如
夫妻身與夫爭虎口生同道路死川藪呼兒拔刀兒不

怖厲聲摧山虎為沮攜夫夜歸車下宿蓐食趨程烹虎

肉

潘云壯哉

夫身有死死不孤生當為君西擊胡

潘云見成語自是用

得好謝云往見四烈婦詩音韻鏗鏘氣格高古以為奇作後始見全本首首奇絕昔人謂一人不數篇者殆不可以槩天下士也具眼者當自知之

尊經閣

尊經閣閣高不可攀前有文宣宮後有鍾陵山

潘云似不盡意

花將軍歌

花將軍身長八尺勇絕倫從龍渡江江水渾提劍躍馬

走平陸敵兵不能逼主將不敢嗔殺人如麻滿川谷徧
體無一刀鎗痕太平城中三千人楚賊十萬勢欲吞將

軍怒呼縛盡絕罵賊如狗狗不狎

潘云奇句險語

檣頭萬箭集

如蝟將軍願死不願生作他人臣部夫人赴水死有妻

不辱將軍門將軍侍婢身姓孫

謝云長短緩急妙得節會

收屍葬母

抱兒走為賊俘獻隨風塵寄兒漁家屬漁姆死生已分

歸蒼旻賊平身歸竊兒去夜宿陶穴如生墳亂兵爭舟

不得渡墮水不死如有神浮槎為舟蓮為食

潘云只此數語寫出

許多事如
在目前

空中老父能知津孫來抱兒達行在哭聲上

徹天能聞帝呼花雲兒風骨如花雲

潘云疊出花雲二字倒押韻妙極妙

極手摩膝置泣復歎雲汝不死猶兒存兒年十五官萬

戶九原再拜君王恩忠臣節婦古稀有嬰杵尚是男兒

身

謝云又
是一意

英靈在世竟不朽下可為河嶽上可為星辰

君不見金華文章石室史嗟我欲賦豈有筆力回千鈞

潘云此篇卓說奇絕而圓活流動如珠走盤非心得手
應斷不至此水蘭辭後何可多見司馬遷每以奇事試

筆力予於

此亦云

懷麓堂集卷二

欽定四庫全書

懷麓堂集卷三

明 李東陽 撰

詩稿三

長短句

清樂詩為天台楊允昌作

台之山石孱孱我登其巖可以振我衣
台之水石齒齒我行其沚可以洗我耳
山水之區我田我廬朝樵暮漁

式嘯以遊天壤之間有鳶有魚我樂我清匪物與謀悠
悠化機動靜無舍我清我樂誰知我者有懷若人莫招
爾來欲往從之室是遠而我歌此詩知者和之

捕魚圖歌

貧家捕魚多用罾富家捕魚多用網貧家不如富家利
一網得魚長數丈江花夾岸江水深此時尺魚如寸金
岸高罾小扳不足漁歌哀咽愁人心家家賣魚向江浦
大船小船不知數大船魚好多得錢小船悠悠竟朝暮

長沙遊子思故鄉安得坐觀江水傍買魚沽酒對明月
我雖不飲強舉觴我家海子橋西住中使饋魚長比箸
居民未識忍獨嘗自倚闌干放教去吾生有興不在魚
披圖見畫已有餘無家無業豈足問但願四海赤子同
鮮腴

答羅明仲草書歌

草書之妙誰絕倫我欲從之羞效顰平生兩手硬如鐵
空有苦思凌風雲羅夫子君不聞草書在意不在文十

年摹寫未必似偶然落筆還通神人道張顛看劍舞公
孫大娘出誰門始知驊騮別有骨世上豈復曹將軍羅
夫子君不見陳士謙溫元善芙蓉顏色楊柳姿能使市
上黃金賤今人好尚乃如此有眼何須辨真贋羅夫子
眼如電生來四十年閱遍圖書五千卷向來得我書贈
我一匹錦繡緞吾觀少陵有詩史看君之詩宛相似包
羅巨細成大家上窮伏羲下元季秋薑冬桂老愈辣翠
竹青松寒不死君詩在格不在辭肯與時人鬪紅紫吾

觀草書亦如此羅夫子君莫疑眼中磊落非君誰紫陽
之書冠今古其大如斗小者庖蟲書鳥跡不復識見此
再拜真吾師君今長驅我戈倒縮手不搏生蛟螭長安
城西紙貴賤吾欲買斷防君嗤

題丁御史同年墨竹走筆長句

湘江之東縣新昌乃在千巖萬壑之中央側身重足恐
無路五步一澗十步岡君家茅堂此卜築白石叢抱青
簣簴西接林薄南通塘低者出地高出牆江南此物賤

如草買種不費鍾與筐野生石迸小如指一夜風吹還
尺強烟鋤雨櫛歲屢改舊葉換盡新梢長青苔白石淨
如掃吳紵越羅生雪霜脫巾箕踞坐其下野叟林夫相
與狂吹洞簫飛羽觴鳴玉琴舞霓裳陰風颭颭左右至
耳熱不受秋山涼醉中恍惚無定所顛倒萬籟隨宮商
忽妬壯士入沙場鐵騎夜感陰山疆不聞鼓角動但見
矛戟森開張忽如仙人來帝傍翠環金節聲鏘鏘不聞
鷺鶴叫但見雲中雙鳳凰蛟龍起舞鬼陸梁復如扁舟

渡瀟湘九疑山前鷓鴣泣二女聞之雙斷腸是時騷人
醉半醒孤棹萬里回滄浪十年宦遊隔江海此興落落
何由償深知良工心獨苦愛畫不減青琳琅往時王孟
端近者夏太常二公之畫世所藏此物胡為在君堂君
心自有百鍊剛見此意氣俱飛揚烏臺退食宴佳客看
竹不礙肩興即我當攜琴載雙鶴坐子林間青石牀

怡雲樓歌為樂清鮑翁作

登高樓飛甍畫棟參差浮上摩青空入倒景下瞰巨壑

通長流浮雲何悠悠層巖列岫散復收隨風冉冉不盈
寸頃刻變幻不可求盪胸引步却回首日夕坐倚可以
忘君憂雲來不作西郊雨君亦長居東海陬人生幾何
時胡為滯此山之幽世事恍惚無定所白衣蒼狗誰為
謀感茲遯跡向巖窟少年有意今白頭浮雲兮歸來與
爾散漫終林丘

題程亞卿所藏劉進畫魚

劉生亦是丹青豪近來作畫無此曹平明退直呼濁醪

半酣脫却宮錦袍戲將禿筆作鱗介已覺四壁生風濤
風濤洶湧向何處岸闊江空起煙霧東風一夜吹水渾
翠鬢紅鬢不知數桃花柳絮時吐吞輕繁亂行交續紛
圓光倒射日成西滅影下沒天無痕羣嬉若共衆芳狎
遠逝忽與洪波奔千形萬態極幻化倉卒逢之安可論
就中鉅者稱赤鯢卓犖頗似鯨與鯢仰窺河漢若咫尺
俯視江海如甕盆崑崙變風雨作走天吳驅海若流雲
掣電同揮霍噴沫浮漚滿寥廓鋒鏑參差見齟齬劍戟

崢嶸露頭角直遣飛騰動鬼神寧誇震撼傾山嶽若非
溟渤即洞庭不然豈得通幽靈幽靈汗漫入恍惚始信
丹青有奇骨劉生劉生良已工誰其愛者司徒公華堂
錦軸粲盈丈髣髴坐我龍門中龍門高高幾許葉公畫
龍龍出走此物胡為在庭宇知公自是人中龍會向人
間作霖雨玉如意金叵羅激高堂揚練波文王在沼民
共樂君子有酒吾當歌我生解詩不解畫潦倒不覺雙
顏酡吁嗟乎吾當奈爾丹青何

送張修撰養正擢僉都御史北巡

君不見居庸山高石磊磊西來太行走東海誰遣重城
疊嶂居其間萬古神功荷真宰南則龍樓鳳闕高巔岼
北則諸州列鎮相鉤環胡沙舊路通龍門馬營獨石俱
藩垣聖朝疆域過前古俯視朔漠之地皆中原坐開明
堂撫寰中帝遣良臣鎮茲土滿朝冠蓋瞻風雲出塞旌
旗擁貔貅張君能文復能武胸中武庫森戈矛筆下詞
鋒走風雨平生恥學儒生酸氣作虹霓向空吐朝遊玉

堂暮烏府平步青雲若廷廡手持媯皇五色之瓊瑤仰
睇高天為天補易冠白簡凌秋霜都城滿路生輝光共
道臺臣出中秘不比御史尚書郎衣冠此事亦希有先
朝以來重紀綱北門鎖鑰付公等城塹萬仞同金湯東
北諸部尚未降狼烟羽檄遙相望地接雲中入河外猛
士夜起提干將當令闕城三百六十里亭障雖有道路
無豺狼吁嗟乎居庸真險不可當雄才逸氣直與山頡
頏諸侯有道四夷服聖德浩蕩被八荒麒麟高閣摩空

蒼巖廊屹立中昂藏金書鐵券何輝煌君乎早歸來毋
為滯此天一方

壽豈堂歌

泰和羅悅善先生以餘杭教諭致仕年七十其子璧為紹興教授從子明

郵札來

索是詩

羅先生晚翠之子德安之孫清談玉雪顏春溫文貞公
學行世所尊先生年二十遊其門兩家子姓諸弟昆衣
冠器業朴且敦嗟哉典刑今尚存先生六經飫千古中
年作官向吳楚當時弟子數百人三十年來半臺府先

生朝投章幕解組箕裘之子能繼武吾復何為走塵土
有田可耕有溪可漁先生之廬左琴右書豈徒玩風月
亦以忘形軀北堂老嫗頭總白筋力矍鑠不與兒童殊
向來東遊復西客夢寐得返山林居山中之樂樂只且
人皆不足我有餘嗟此不飲將何如登廟廊望江海誰
其作歌歌壽豈先生諸郎我寮窠尊前桂酒綠正濃籬
下菊花黃可采方當再拜祝眉壽不得登堂共斑綵願
同七十還歸來門外竹林青未改

蔣御醫黃頭月桂圖

一月一花開開時月常好黃頭少年何翩翩每見花開
被花惱紅顏繡羽紛葳蕤暖風吹春春力微芳心豔影
莫相妬共保春光在遮暮君不見江花欲落江水深憑
仗黃頭過江去

三星圖歌壽致仕馬太守

給事中中
錫之父

三星何光華回光下燭黃門家精靈在天光在地化作
人形與人類福星雍容豐且都翩然騎鶴乘紫虛祿星

高冠盛華裾浮雲為馭鸞為車壽星古貌長骨顙渥丹
為顏雪鬢鬚金滕玉軸藏秘符下主人壽無沈痾森然
萬象中見此三丈夫天高路遠不可呼三星三星真有
無仙翁皎皎人中星福祿而壽身康寧儼如星辰在丹
青問翁福開金壘坐華屋兒孫紛紛如立竹問翁祿象
簡緋袍佩雙玉人生五馬貴亦足況有天書照林谷問
翁壽今幾何筋力強健頭雙皤人生七十古未多翁今
況是一紀過三星在天一星在堂四星煌煌為國之光

下有文昌星炳然居其傍冠裳偉風度云是黃門郎紫
微垣高天咫尺下照后土成禎祥聖明在位世壽昌翁
百千歲長無疆年年願授長生簡寫我玉薤青琳琅

送王公濟歸武昌歌

武昌何雄哉高藩巨鎮天為開舜遣神功下疏鑿始見
長江大漢袞袞從空來連山崩騰若奔馬三十六磯水
如瀉平川渺渺原茫茫瞥視孤城如一瓦英雄割據三
千年聖代乾坤盡陶冶輦飛井絡周沓乎其間不獨帆

橋往來者吾嘗南遊吳西入楚登胭脂望鸚鵡夜月山
橫赤壁坡晴沙日射黃金浦是時懷故鄉弔前古吳周
黃晉陶庾姦如曹瞞猥黃祖餘子碌碌安足數方今脩
文復偃武家詩書士冠組地靈人傑真快覩予獨無能
愧鄉土王君磊落人中豪十年書劍隨遊遨撫揮七怨
動流水點染萬象歸秋毫有時縱筆作詞賦出入經史
窺風騷豈徒文思比唐勃應遣頌聲如漢褒南宮四舉
不一薦駿馬未脫鹽車勞君今拂衣去京闕瀛海浩蕩

蓬山高高歌向空空宇
闊白日鼓枻凌風濤
昔作鳳朝陽今為鶴
鳴臯攜手欲止之江
流正滔滔丈夫離別
各有志不學世上兒
女聲嗷嗷贈君明月
為鈎虹作線歸向江
頭掣巨鰲

滄海謠壽秦廷贄秋官母七十

東南何所有海與天河
通天河散作億萬派
下界九土分衡從江
淮河濟作四瀆長流
赴海皆朝宗尾閭洩
氣石沃水其下無底
歸虛空上來磅礴接
混沌周環八方

此其東東乃扶桑出日之所在金烏三蹠浴影乎其中
蜃氣朝浮萬家市鰲背夜戴三山峯千年老魚化為龍
層波疊浪藏龍宮鮫綃織牕霧氣白蚌甲吐月珠光紅
龜鼉喧呼鯨鱓舞復有三百六十鱗朋羽族紛追從咸
陽西來男女童有船不進遭回風王母西池不盈勺敢
以淺眼窺方蓬霞冠雲帔不可以髣髴俯視寰宇空塵
蒙巫山老婆年七十家居近海圓丘同挹瓢為漿釀為
酒海水照見雙青瞳烹魚炮鱉薦芳錯蛟涎香霧飄蒙

算世人有眼不得見但見琅函寶軸名姓照耀金泥封
西曹郎君美風度皎若出海珊瑚叢攬衣望海欲東遊
須臾鞭石成長虹三神之山不老之藥倘可得願教一
粒千歲歲歲無終窮

滄浪吟

滄浪水清且閒朝持長竿去暮踏輕舟還江湖悠悠厭
奔走獨掛漁簑向溪口水面遊魚不避人江間白浪空
回首細草平沙帶綠蘋微風不動波粼粼忽如青綠颭

紅鱗低頭坐睡了不聞亦知在興不在物江村水市徒
紛紛滄浪水清不濁耳可洗纓可濯江南風景殊不惡
耕田不如捕魚樂我家住在瀟湘東長向滄浪憶釣翁
偕問磯頭舊江水春來幾度桃花風

謝謝方石惠石棊子

天台山高東走海結為方巖石磊磊仙人巨斧劈石碎
斲出象棋三十二猶恐世人不識雲篆書刻作西京後
來字朱填墨寫部類分坐開兩壘成三軍裹藏尚帶烟

雲氣變化或驚蛇鳥羣仙人白頭朝帝閭持以贈我同
瑤琨空堂無人石枰響病骨先秋覺蕭爽杜陵畫紙那
可著火餘冷玉差能彷彿君不見越山老樵枯木柯看時
渾少別時多世間成敗等局戲何必燕然刻石高差我
不如坐共一枰晚仙人不留將奈何吁嗟乎仙人不留
將奈何

送邵國賢還治許州

許州太守西南來五馬雙旌何壯哉入門長揖向座主

元是南畿選擢之英才憶君醉下瓊林宴獨向中原領
州縣使節宣恩處處周停輶問俗村村遍州當要路多
舟車居民十室九已虛亦知聽訟事非急任道催科政
不如我方閉門讀古書聞渠此語重歛歛名途利徑人
競趨誰復有心如此歟京城六月淫雨餘漂沒禾稼傾
民廬坐令神州赤子百萬輩啼饑忍凍塞路衢翰林儒
官不涉事飽食端居豈吾意萬間廣廈何必論我屋沮
洳恐無地吾聞杞憂天發輟緯抱牟心揮賈涕敢言民

社非我圖耐有閒情為君計大河南北多荒田三年水
旱相纏綿江流轉徙無定所直指梁汴窺藩垣誰將隻
手障百川向來議者塞與遷問君此策竟安出自言地
疎官復小有口不敢如河懸茲州自古無水患亦有平
原沃壤遙相連古稱苛政猛於虎或者有患如水然息
爭止暴是君事百姓方賴太守賢賜金贈秩豈足為子
望望子不在文章傳

平湖十詠為過郎中太僕作

武湖春色

春來武湖綠春去武湖深清波帶碧草幽鳥啼芳林寧
獨知春來與春去長在武湖湖上住

案山曉翠

遠山青青玉絮氣漫漫開爽旦君不見樂遊原上易黃
昏夕陽雖好空魂斷

三寺雨鐘

朝鐘晴昏鐘雨朝鐘滿空山昏鐘遙遙不知處山僧報

客客不來又逐溪風過溪去

六橋晴市

六橋東西南北水橋為村水為市昨日雨多今日晴高樓翠幔紛縱橫揺湖船卧明月歸來夢作杭州客

東田社鼓

日之出東田東鼓填填走社翁割肥羊擊壯豕舞復歌社神喜但願年年好風雨儂衣有桑食有黍長迎社神擊社鼓

西浦漁罾

儂家住西浦兒童識罾罟罾高岸閤秋水深湖上魚鰕
賤如土待我他時歸挂罾功成自買扁舟去

南村書堆

村舊住
張氏

南村書屋書滿車南村書聲聲滿家讀書不作村學究
身為郎官印如斗如今祇合稱書鄉不獨書堆人姓張

北原牧唱

北原草青牛正肥牧兒唱歌牛載歸兒家在原牛在坂

歌聲漸低人更遠山蒼茫水清淺

霍氏行祠

霍將軍誰遣汝廟食吳山下揚靈旗耀靈馬神遊四方
適余野霍將軍武且神驅逐厲鬼鞭風雲生能安邦死
能福吾民壯哉將軍死猶存

魯公古墓

荒荒高原鬱鬱古墓誰其葬之侯姓魯君看佩銅章繫
青組有酒誰澆墓傍土彼獨何人民亦何心嗟哉魯侯

名至今

山水圖為曰會中書題送體齋先生

洪都山高章水深五湖為帶江為襟臨江郡城瞰空碧
上有玉筍凌千尋下有渝川一道清徹底雕甍畫棟光
沉沉誰其居之傳巖後天遣山川毓靈秀四山幽鳥啼
深春萬點濃花亂晴晝吾嘗挹羣芳披衆皴躡雲根覘
天竇書聲出谷秋籟鳴壁彩穿林夜光漏樵童牧豎不
敢溷跡乎其間獨有仙風折長袖仙乎仙乎飛絕塵一

住京華三十春蓬山弱水豈不樂望裏鄉關天外身
書驛騎隨車輪倏忽三尺如有神謫仙夢寐本為幻
季卿圖畫元非真何如錦袍金帶佩雙玉解使中原識鳳
麟君家兄弟如兩謝猶有惠連居鳳舍天涯去住各關
情雖涉江山不相借借君彩筆賦君詩仙子早和凌雲
詞瓊林玉樹遠在萬里外誰道弟寒兄不知

孤鴻怨題東吳張節婦卷張自云飛鴻且不再

匹況於人乎

翩翩天上鴻一死不再匹今人鳥不如有匹奚但一生
為比翼死獨棲寧忍孤飛過別枝養雛成翮老相似猶
憶當年初莫時妾心獨知人不識仰視飛鴻指白日

熨帛圖

熨帛復熨帛一日能幾匹貧家日短富日長同是一般
辛苦力貧家莫歎熨帛勞猶勝家貧無帛熨

懷麓堂集卷三

欽定四庫全書

懷麓堂集卷四

明 李東陽 撰

詩稿四

五言古詩

貞則堂詩

黃巖謝編修鳴治大母趙氏有貞德其媵嚴隄
兒從之終身

憶昔歸夫君君家妾鄉邑所期在偕老中道百憂集男
孤二女弱妾年未三十饑寒幸相保生死在呼吸衡門
畏宵啟行露被田隰危言動盈路俯仰身皮炭揮刀斷
我髮解橐散我粒本圖絕窺覷亦用拯窮急肝腸向人
盡磊砢不自戢皦若天日晶幽聞鬼神泣平生舊箕帚
忍棄不再執圭玷尚可磨衣敝尚可緝委質自當年君
門豈輕入一婢老相從白首供爨汲艱難備萬狀不離
局與度此曹豈解事居處視所習感激自不移疇能彊

維繫民彝本同賦貴賤無等級男兒失所事俯首忍羞
澀衣冠乃傾頽於此望何及天台中峯秀偃蹇衆山立
節婦孝子家高風遠相揖請歌栢舟篇以繼蓼莪什

答陸鼎儀誨言

少年被纓冠側身羣賢後狂悖寡自持多言衆所咎繁
辭劇無益欲制已出口有時雜詆諧觸冒遭詆詬雖言
不為虐於德實云疚三復白圭篇令人重顏厚愧無請
益辭負我直諒友陸君多雅懷指我以瑕垢翻然為起

金定四庫全書
卷四
敬竦立斂雙肘退之喜嘲狎籍諫終不受才高使之然
嗟我實未有書紳古人戒敢不佩左右感子期重陳終
焉愧瓊玖

題賀克恭給事家墨竹時賀謝病居遼

野竹生高原青青不受寒歲暮雪霜苦芳心寧獨憐但
恐朔風至孤根詎能安移來舊茅屋僻遠意自閒護以
十丈籬繚以三重垣秀色常可保逍遙任吾年永懷不
得見書札若為傳相逢畫圖裏一笑已無言

贈彭民望三首

莊子作詩苦飢腸無停迴胸中錦繡字字不輕裁君
詩驚滿座氣與滄溟開酒酣疾伸紙下筆無嫌猜莊子
壯君志君亦愛其才我居二子間形穢不自哀願從雙
飛翼聊與相徘徊

其二

我屋雖蕭條欣與子同居嘉辰與永夕觴詠得相俱而
胡好出遊十日九跨驢明月照萬里停雲在庭除入門

坐我牀探我囊中書讀之莞爾笑謂我興有餘我詩世
不好見者擲道隅君情倘相契贈比雙明珠

其三

我家水西涯性本愛幽僻與君數攜手興至忘所適溪
行緣縈紆野酌散愁寂倦來倚樹坐舉目見山色山色
忽已改離別復幾載移居在城南咫尺隔江海夜來春
風至芳意思共採道逢舊鄰人茅堂復何在

再贈三首用前韻

吾愛李太白金鑒供奉回釣船坐明月宮錦賜新裁騎
鯨忽不見懷抱向誰開舉杯問青天恐被浮雲猜明月
千載恨謫仙千古才古風坐掃地此事亦堪哀我非能
詩者君意莫徘徊

其二

吾憐賈浪仙寂寂長安居藜羹與糲飯婢僕日相俱出
門寡儔侶獨跨短尾驢年年祭詩卷忽忽歲仍除濁醪
不過牆故人但空書梁肉者誰子斯人食無餘古來風

流士棄置天一隅荆山有抱玉滄海有遺珠

其三

吾憐孟東野詩思老愈僻一吟雙眉皺見者意不適偶
逢韓昌黎傾倒慰孤寂君才不須猜而我有愧色我詩
調屢改清苦近一載君詩十年前散落滿湖海永懷苦
雨夕聯句意可採三復關雎篇斯人今安在

與劉時雍

客從方巖來戒我作詩疾君來索我詩謂我意所適深

言中奇病二子皆我益還從適處得便向疾中釋而我
亦何心悠悠自朝夕

與姜用貞二首

叢蘭絕低小隱約幽巖姿崇岡有高松下影迴薄之小
大固異質託交乃其宜君本老成人我生良已遲情親
若兄弟年數兩相遺相逢即傾蓋久已不復疑我歌貧
交行試問和者誰

其二

節過人事簡，駕言適我廬。一茶啜未終，童僕促迴車。攬之不肯住，答我有所趨。十朝不一見，為我惜須臾。昨夜夢君來相見，但躊躇翻思夢中言。展轉一字無。

春至

兒女喜春至，競為桃李顏。主人坐中堂，對食不能餐。寡妻問何為，良久方出言。東鄰不衣褐，西舍無炊烟。農家望春麥，麥種不在田。流離徧郊野，骨肉不成憐。嘉辰忽不見，城市轉蕭然。高樓雜絃管，此事十年前。

讀書

新歲草木茂去陳茁其初人生天地間而與此類殊生
年日已長問學日已疎扣之無所有安用七尺軀劉公
笑歐九軾輩當何如況我所得者滄溟之一盃躬行聖
所貴記誦乃繁蕪自古識字人嗟嗟揚子雲

土室

土室暗無光重關閉深壁客來語始辨坐久自生白語
畢各自還誰能問形迹竭來中宵夢坐我羲皇側太羹

及玄酒此味久已識古人戒屋漏所貴無愧色我心非
槁木豈不念朝夕默默方自知多言竟何益

題陶知州所藏萱花圖

歲晏風雪至叢萱不能芳餘馨不盈把繫在羅襦裳
迴寸草心婉孌愛日光豈不念舊鄉關山各異方少壯
遠遊子此憂安可忘

九日東敷五

九日忽相過胡不駕我車幽懷屬有託苦無故人書林

壑費躋厲城市多湫淤世事屢不適吾心恒鬱紆城西
有精舍曠野臨通衢茂林對脩竹足以寧形軀君行倘
未遂匹馬不相呼

畫禽二首

濯濯隴山鳥雕籠雙翠襟欲以懷春意報此主人心哀
哉寡儔和寂寂飲孤音

鸚鵡爾何煩形巧不及舌吾方怪其煩有喙莫敢說雖
雖在何樹此鳥衆所悅

十一月二十七日夜夢樓居風雨中得句云卷
簾看風樹時亡妻亦在側覺而有感續成一章
高樓坐連牀遥碧俯平渚卷簾看風樹葉落沙上雨飄
飄輕襟散披歷層軒舉寤寐平生歡咫尺得晤語相逢
隔晨暮倏忽無定所積雪徧中庭鍾情徒延佇

送李士常

岩岩居庸關北望上谷城道路阻且長送子百里行肅
肅朔風厲悠悠暮川平宵裝櫪馬秣午飯村雞鳴男兒

志弧矢萍梗空縱橫懷哉父母邦
況此骨肉情相贈無長劍低頭愧友生

其二

古人重友道君子慎其微難交乃終好苟合生禍機與
君夙傾蓋意氣兩不違但覺多畏憚愧無受益資終然
出肺腑久矣不復疑我生寡知識視友如嚴師君今豈
易得棄我忽若遺往昔諒可作來日猶當追與君各甞
勉白首以為期

其三

蒙翁棄人世斯文似中絕雖無老成人典刑在羣哲吾
宗本奇士少小負高節勢傾三軍前慷慨氣不折昂然
借前驅逸駕誰敢掣側足風塵間長途畏中跌所居亦
孔遠觀止復言別從之不可得回首肝肺熱

其四

聖賢日益遠載籍亦多門漢儒事訓詁字義舛且繁考
亭得真秘辭達意已傳躑躑場屋士戰訟爭紛紜遺言

已糟粕況復揚其塵設科重經術此弊尚虛文誰能幹
元化吹醺使其醇知君學古者肯效諸生顰雖居文藝
場實究道義根斯人捨我去吾道竟誰論

其五

民彝日淪喪此事古所傷悲哉賈太傅舉世笑其狂聖
人重名教始自室與堂吾儒尚茂業況彼聲利場遙遙
關塞隅見此鄒魯鄉閭庭巡禮範伯仲同馨芳詩書起
庠校戎馬壯邊疆由來忠孝門永耀竹帛光聖朝富勲

業科聘須賢良願子出努力毋為久淹藏

吳原博修撰醫俗亭

吳君天下士愛竹比良友平生益者交意豈在杯酒亭
居衆鞅絕林卧清風久十年別江南吟諷常在口嗟吾
寡留玩性本厭塵垢願招肩輿即徑造羲皇叟此物生
已遐斯人亦希有託君多病軀藉此鍼石手茲意予所
投君當報瓊玖

大雨有感

積雨盈我庭流水入我屋移牀就牆東豈為避煩溽瓶
罌互雜逖出入泥汨汨我病不得眠喧呼惱童僕弱抱
增百憂端居繭雙足所思室豈遠咫尺限谿谷高歌寡
酬和曲罷意轉促窻紙風蕭蕭虛簷度鳴竹柴門晚當
閉日入坐秉燭

曲江韶石題廣東黃瑛卷

曲江通長谿巨石平若掌浮雲盪空寥野望豁疎莽峻
增見孤高奪天得餘廣跡非禹鑿後代出秦封上虞皇

昔南巡旌旆息茲壤乾坤來清風絲竹振遺響鳳儀方
炳煥龍化驚惚恍江山無推遷人世同俯仰黃生好古
流少小慕通儻窮幽極遐方沉乃接鄉黨竭來幽燕客
尚結江湖想文章藉流傳此志吾所賞平生懷古心踔
厲非技癢高歌未終曲深夜神獨往送子天東南何時
稅歸鞅

送朱博士還考亭得業字

文公十
世孫也

紫陽足苗裔乃在閩與歙建寧見諸孫歷世方十葉名

從東曹薦譜自前朝牒溫然大雅姿欲語還若怯士林
羨翱翔再拜斂冠衿先公百世師高步不可躡後生亦
何知頌美不容喋平生慕道心望海愁寸涉典刑在雲
仍既覲中所愜翻然愧相從內顧賴我頰崇儒實令典
主器非浪攝榮名恐難居世美不自挾勗哉有明訓無
廢六經業

送顧天錫員外審刑山西

聖人作元命所憂在黎元唯刑弼予教刑措教乃醇彤

廷降明勅天語如春溫謀謨內朝佐簡命諸曹臣巡行
徧幽側書簿窮紛紜吾儕江東彥奉使山西藩夙興念
委託夕惕懷艱辛豈不羨甄擇負重難為身人情與世
故出入茫無端由來生死機乃在筆削間勗哉古人訓
明察生哀憐罪疑戒唯重觀過斯知仁況奉欽恤詔正
當蠲滌辰坐今日月光可以照覆盆鋤未去稂莠慎勿
傷其根一夫或失平上與和氣干周家衍靈運于氏興
高門爾心諒勿貳孰謂天道昏平生重名義一飯皆君

恩王事誠靡監賢人羞素餐區區友朋誼感激傾肺肝
軺車有期返離別安足論

予病中頗愛作詩舜咨以詩來戒者再未應也

偶誦陶淵明止酒詩自笑與此癖相近因追和其
韻斷自今日為始成化丁酉春正月十日

平生抱詩癖雖病不能止還同嗜酒客枕藉糟丘裏作
銘示深戒厚意勤教子蕭然百玩餘此技差獨喜如以
酒醒酒愈醉不得起今將詩止詩無乃非物理應酬與

吟詠何必分彼此雖無役志勞有玩斯喪矣狂瀾去莫
追來者方無涖擬學賈浪仙焚詩以為祀

入春絕不作詩清明後三日與鳴治師召遊大

德觀為二公所督甚苦得聯句四首已而悔之
因用止詩韻以自咎先是諸同年皆有和章為
說不一鳴治獨持兩可之說至是竟為所沮云

淵明愛酒翁晚歲方暫止始知山水興不在壺觴裏後
來不飲人效顰乃蘇子吾詩亦何解似獨有深喜一戒

踰七旬此念灰不起羣公各雄辨未究同異理三占從
兩卜頗覺吾喪已惜哉九仞功一簣今已矣陶蘇雖止
酒所止皆有渙擇例偶不精遺蹤愧前記

時用得詩見和似怪予破戒者用韻奉答

幽居觀物化有始終必止人生亦氣類出入樞機裏偶
落簪組間誰是巢居子筆札常繞身豈獨性所喜願為
委地葉更逐狂飈起一攘本何心百步乃其理多言祇
害道為仁竟由已紳書亦徒然臍噬嗑晚矣吾生尚多

闕萬壑此其矣勿厭箴規言雞壇有明祀

初予止詩鼎儀有約同止予援張汝弼故事以
隻雞斗酒為罰鼎儀固未嘗止及予破戒乃和
韻見索再疊前韻并雞酒答之

與君同止詩拙者最先止至今雞酒券尚在詩筒裏吟
聲日不絕負約常在子病中未遽往顧券每自喜君方
掩耳卧十撼九不起三緘偶一呖乃輒相料理多言竟
無益寧使人負己我雞固當攜我馬今秣矣明晨自公

出遲予金明溪願託鶴林翁清風播來祀

予破戒時頗念鼎儀之約鳴治師召許為代罰
既有成約再用韻邀三公同赴

人皆止我詩君意方止止詞鋒苦相督置我重圍裏平
生雞酒期吾愧金閨子

鼎儀號金閨逸叟

君同觀棋法勝敗俱

可喜門首索雞吏堅坐訶不起其辭雖未直頗亦持一
理鸞機自君發安得終彼已前言亦戲之吾意今決矣
買雞南市柵沽酒西橋溪且復醉茲辰是非付千祀

曰川會諸同年用韓昌黎園林窮勝事鐘鼓樂

清時二句分韻得時字因效韓體

念我三同友夙多豪俊姿南宮同甲第翰署同文詞功
業復同志希臯慕龍夔官曹有燕會亦以存箴規唯君
與張子前後傷分睽歸衢振天翮鸞鳳已滿池爾來又
十載歟見星霜馳維春暮三月和風蕩如飴高堂敞楹
庀列案堆盤匪觥籌遞交錯墨卷開淋漓坐席各有序
酒行不用辭中披見肝膽外析無藩籬我懷久屈鬱如

以結就鴈如鷹掣條旋如驥辭銜羈又若萬里冰流颺
盪空澌經冬抱深癖不得窺簷楣咫尺乃如此況居天
一涯開圖見諸老云是先朝遺三楊二王輩風采猶當
時我初歛容立已乃再拜之感今復懷舊歡樂無易茲
君生在單闕我處一紀差佳兒勝冠帶字畫解倔奇人
言頗類我我書詎宜師渠自有父風外人那得知爾曹
已少壯我豈猶童兒從此老鉛槧虛名竟何施不如且
飲酒我飲不滿卮初心抱虛警筋力當及斯前賢勿復

道恐為爾輩嗤

經筵聞講中庸有述呈諸寅長

是日王學士講
戒謹恐懼章

龍飛御八極虎殿開羣經禮樂煥明制冠裳粲充庭大
哉中庸理純粹復至精微言盡幽渺至治通神靈内存
戒懼功外有位育能宋儒闡名義孔學昭儀刑煌煌精
一傳千歲如日星默契入玄化沖居澹聰明聖心仰熙
緝吾道方施行微官竊臣從列侍隨公卿恭聞聖賢訓
內顧惕若驚天顏不盈丈帝鑒無留形雖無獻納權恐

有玷辱情古來致君術感格須至誠庶幾涓埃力或使
海嶽增作詩戒同志敢謂此地榮

五月十三日山弟亡辰夜間不寐哭而有詩

今日復何日日永夜亦長夜長不得寐起坐心彷徨去
年今歲間倏忽異存亡生同為兄弟死獨歸山岡呢呢
笑語聲隱隱燈燭光開緘得遺稿理篋見故裳此物久
已塵誰遣在我傍我病人廢食萬外中攢戕老親不汝
悲悲即恐我傷汝婦不敢啼嗚嗚咽空房我亦念衰老

含悲茹肝腸誰無骨肉親而獨此禍殃三年四哀經行
路為酸傷難將百丈繩繫此白日光白日有明滅我哀
那可忘

鼎儀宅分韻送其兄武儀還崑山得倪字

君家好兄弟恩義兩不睽豈唯舉止似語笑皆天倪我
本通家友三年負招攜留歡極酣樂飽德無嫌憐涼秋
入庭樹風露忽已淒昔作鳳和鳴今為鴈分棲悠悠滄
江上道路阻莫躋到門見桑梓登堂頌黃鯢人生重骨

肉至樂諒不齊送君東城去蔓草青萋萋

擬古出塞七首

平明集帥府有令事西征官軍二萬衆列騎分團營我
身雖短小名次當先行征南競投籍征北多埋名男兒
在節義臨難敢偷生本圖報恩私功名何重輕

又

總戎戒行旅器仗貴堅完典衣買刀劍胡地多苦寒公
家例頒與私債復相干兒出貧尚可親老無盤餐燈前

背面啼強語達夜闌雞鳴鼓角動上馬各據鞍

又

潛行始出境面別情實難逢人語妻孥堂上有舅姑軍
行視旂旄聞向黃河曲相顧問姓名同伴為骨肉星分
良鄉爨月傍井陘宿民貧苦供給縣官告不足掾吏飽
肥羊馬飢奴無粟營門號令肅雞狗不敢揭起居有常
節幸得免笞辱

又

河曲二千里外險中廣夷胡兒十萬騎倏忽路無岐邊
軍戒輕入壯士氣不持帷幄計深密功成在何時糧儲
日不繼淹留懼愆期邊疆古有患上將重興師吾知荷
戈殺生死長相隨

又

邏騎朝出塞胡來屢衝突我軍摧其鋒殺氣滿川窟將
驕聞裏瘡戰勝多白骨兵家貴萬全豈足較毫髮千金
買首功百金紀勲伐京軍得先陞邊卒長獨沒卑情思

上達疎賤不得謁日暮獨無言
岩堯見宮闕

又

休營息軍士鳴角卧清曉傳聞遣麾下獻捷雲臺表
朝廷屢西顧此事繫不小賞賚慰勤勞獎諭激忠孝
再拜受璽書酬恩古來少開邊固非計境土當自保
駐馬立轅門佇聽班師詔

又

頻年討北寇往歲征南蠻七年六出師師出無空還
將

軍盡封侯鐵券誓河山白衣領陰襲立在執戟班先朝
麒麟畫位次迥莫攀功疑古惟重此義故不刪君恩實
浩蕩感泣徒潛潛諸公固當爾而我獨何顏

蘭舟詩送丘蘇州南歸

幽蘭出山澤移植秋風時清芬寡流媚借問愛者誰使
君來南國舟楫長相隨狂飈逐驚波霜雪憔悴之羣芳
競岐路顏色爭紛迷蕭槎動盈把此物棄如遺愛惜復
愛惜洗根濯其泥攬舟汴長江歸去兩不疑載歌蘭舟

篇獨與和者期


偶成

狄青在廣南寇盜盡削平首功數十萬獨遺智高名豈
無金龍衣肖似難可明功疑古惟重之子乃獨輕由來
古名將事主貴忠誠近聞章州牒強半皆良氓孟軻有
明訓善戰服上刑此輩竟何事吁嗟安足評

梓庭為徐生作

南國足喬木北山多俯枝高堂偉華觀之子美風儀弱

歲抱奇植磊落非衆姿山川毓靈秀霧雨含春滋龍盤
勢屈鬱鳳宿羽逶迤中有錦繡文外有正直規孤根信
寡匹大匠乃良師物生固有地材用亦有時願子自愛
惜少壯以為期



懷麓堂集卷四